

АЧАА БАРАА ТЭЭВЭРЛҮҮЛЭХ,
ТЭЭВЭРЛЭХ ГЭРЭЭ

20... оны сарынны өдөр

Улаанбаатар хот

1. ЕРӨНХИЙ ЗҮЙЛ

- 1.1. Энэхүү тээвэрлэлтийн гэрээ (цаашид “Гэрээ”гэх)-г Иргэний хуулийн 318-320 дугаар зүйлүүдийг үндэслэн нэг талаасовогтой.....(цаашид “Тээвэрлүүлэгч” гэх) Нөгөө талаасовогтой.....(цаашид “Тээвэрлэгч” гэх), (хамтад нь “Талууд”гэх) нар дараах нөхцлүүдийг харилцан тохиролцож байгуулав.

2. ГЭРЭЭНИЙ ЗОРИЛГО

- 2.1. Харилцан тохиролцсоны үндсэн дээр тээвэрлүүлэгч нь тээвэрлэгчийн эзэмшлийн тээврийн хэрэгслүүдийг ачаа тээвэрлэлтийн үйл ажиллагаанд явуулах, тээвэрлэгч нь тээвэрлэлтийн ажлыг тогтоосон цаг хугацаанд чанартай гүйцэтгэх ба тээвэрлүүлэгч нь гэрээнд заагдсан төлбөр төлөхтэй холбоотой талуудын хооронд үүсэх харилцааг зохицуулахад энэхүү гэрээний зорилго оршино.

3. ҮНЭ,ТӨЛБӨРИЙН НӨХЦӨЛ

- 3.1. Талууд тээврийн төлбөрийг тухайн захиалгын ачааны жин, аяллын зай зэргээс хамааран тогтоож байхаар харилцан тохиролцов.
- 3.2. Улаанбаатараас боомт хүртэл нэг машины тээвэрлэх ачааны жин 25 тонн нэг машины тээврийн хөлсөнд төгрөгөөр тээврийн хөлсийг тохиров. Нийт тонн ачаа тээвэрлэнэ.
- 3.3. Тээвэрлэгч нь тээвэрлүүлэгчээс ирүүлсэн ажлын зааварчилгааны дагуу хот, орон нутгийн хооронд ачиж заасан газарт тээвэрлэх ажлыг гүйцэтгэнэ.
- 3.4. аймгын боомт дээр очсон ачаа буухгүй бол боомтоос Улаанбаатарт ирэх зардлыг үндсэн тээврийн хөлсний хувийг тээвэрлүүлэгч тээвэрлэгчид төлнө.
- 3.5. Нийт тонн ачааны нь дансанд орсноор гэрээ хүчин төгөлдөр болно.
- 3.6. Гэрээнд заасны дагуу нийт ачигдах машины тоогоор тээврийн хөлсийг тооцно.
- 3.7. Төлбөрийн нөхцөл
- 3.7.1. Тээвэрлүүлэгч нь хүлээн авагчийн “Бараа Хүлээлцсэн Баримт”-ийг үндэслэн барааг хүлээн авсанд тооцно.
- 3.7.2. Тээвэрлүүлэгч нь ачаа ачигдсан өдрөөс хойш тээврийн хөлсийг 100 хувь төлнө.
- 3.7.3. Ачааг ажлын 3 хоногт багтаан буулгаагүй тохиолдолд хэтэрсэн хоног тутамд төгрөгөөр тооцож тээвэрлэгчид алданги төлнө.

4. ТЭЭВЭРЛЭГЧИЙН ЭРХ, ҮҮРЭГ

- 4.1. Тээвэрлүүлэгчээс гэрээгээр хүлээсэн үүргээ биелүүлэхийг шаардах;
- 4.2. Тээвэрлүүлэгчээс гэрээнд заасны дагуу төлбөрөө төлөхийг шаардах эрхтэй.
- 4.3. Тээвэрлэгч нь ачааг тээвэрлэх тээврийн хэрэгсэл, шатахуун тослох материал, дагалдах сэлбэг, багаж, хувийн хамгаалах хэрэгсэл, татлага, хучлага, анхааруулах тэмдэг, тэмдэглэгээ зэрэг ачааг аюулгүй тээвэрлэхэд шаардлагатай зүйлсийг холбогдох дүрэм журам, стандарт шаардлагын дагуу сайтар бэлтгэсэн байна.

- 4.4. Тээвэрлэгч нь ачааг нийлүүлэгчээс хүлээн авахдаа, ачааны чанар, ачааны сав, баглаа боодлын бүрэн бүтэн, хангалттай байдлыг нарийвчлан шалган, аливаа зөрчил, дутагдал илэрвэл тээвэрлүүлэгчид нэн даруй мэдэгдэн зааварчилгаа авна.
- 4.5. Тээвэрлэгч нь температурын горим шаардсан ачааг тээвэрлэхдээ, тээвэрлүүлэгчээс тогтоож өгсөн температурын горимыг тогтмол барьж ажиллана.
- 4.6. Тээвэрлэгч нь тээвэрлэлтийн үед тээврийн хэрэгслийн бүрэн бүтэн байдлыг хариуцан тосолгоо, гагнуур, материал сэлбэгийн зардал болон жолооч, ажилчдын байр, ундны ус, хүнс хоол болон бусад хангамжийг хариуцна.
- 4.7. Тээвэрлэгч нь тээврийн ажлыг хийж гүйцэтгэхэд шаардлагатай лиценз, болон бусад баримт бичгийг холбогдох хууль журмын дагуу авч ажиллана.
- 4.8. Тээвэрлэгч нь аюултай ачаа тээврийг холбогдох хууль, журам, стандарт шаардлагад нийцүүлэн, байгаль, хүрээлэн буй орчинд хор хөнөөл учруулалгүй хийж гүйцэтгэнэ.
- 4.9. Гэрээгээр хүлээсэн бусад үүргээ биелүүлэх.

5. ТЭЭВЭРЛҮҮЛЭГЧИЙН ЭРХ, ҮҮРЭГ

- 5.1. Тээвэрлүүлэгч нь тээвэрлэгч талыг гэрээгээр хүлээсэн үүргээ биелүүлэхийг шаардах;
- 5.2. Тээвэрлүүлэгч нь ачилт хийгдсэний дараа гаалийн бүрдүүлэлтийн ажлыг тээвэрлэгчид хүндрэл учруулахгүйгээр зохион байгуулна.
- 5.3. Тээвэрлүүлэгч нь ачааны дагалдах баримт бичгийг бүрдүүлж тээвэрлэгч талын жолоочид хүлээлгэн өгөх ажлыг зохион байгуулна.
- 5.4. Тээвэрлүүлэгч нь ажлын гүйцэтгэл дууссаны дараа гэрээгээр тодорхойлсон тээврийн төлбөрийг тээвэрлэгч талд гэрээний дагуу шилжүүлнэ.
- 5.5. Тээвэрлүүлэгч нь ачилт хийгдсэнээс хойш ажлын 3 хоногт багтаан ачааг буулгах ажлыг зохион байгуулна.
- 5.6. Тээвэрлүүлэгч нь тээвэрлэлтийн онцгой нөхцөл шаардагдсан аюултай, эмзэг, тэсэрч дэлбэрэх ачаа тээвэрлүүлэх бол тээвэрлэгч талд урьдчилан анхааруулна.
- 5.7. Гэрээгээр хүлээсэн бусад үүргээ биелүүлэх үүрэгтэй.

6. ТАЛУУДЫН ХҮЛЭЭХ ХАРИУЦЛАГА

- 6.1. Ачааг хүлээлцэх үед ачаанд учирсан аливаа эвдрэл гэмтэл, тоо ширхэг дутсан, чанар алдагдсан зэрэг тохиолдолд, ачаа хүлээн авагч талын ажилтан, тээвэрлэгчийн жолооч эсвэл бусад эрх бүхий ажилтан, албан хаагчид тухайн газар болон цаг хугацаанд ачааны биет байдал, тоо ширхэг, чанарт нэг бүрчлэн үзлэг хийж, бараа хүлээлцэх баримтад тэмдэглэл үйлдэн, акт тогтоон гарын үсэг зурж гэмтэл, хохирлыг баталгаажуулна.
- 6.2. Гэрээнд заасан ажлыг байгалийн давагдашгүй хүчин зүйл, гэрээний заалтыг ноцтой зөрчсөн илт хариуцлаггүй үйлдлээс болж аль нэг тал гэрээ цуцлах санал гаргаж болох ба бусад тохиолдолд гэрээ хүчин төгөлдөр байна.
- 6.3. Аль нэг талын буруутай үйл ажиллагаанаас болон хуурч мэхлэх байдлаас гэрээний үүрэг зөрчигдвөл нөгөө талдаа учирсан хохирлыг бүрэн барагдуулна.

7. МАРГААН ШИЙДВЭРЛЭХ

- 7.1. Зөвшилцөх: Гэрээг биелүүлэхтэй холбогдон гарсан аливаа санал зөрөлдөөн, маргааныг талууд зөвшилцөх замаар шийдвэрлэнэ.

7.2. Шүүх: Хэрэв Гэрээний 7.1 дэх зүйлд зааснаар маргаан, зөрөлдөөнийг шийдвэрлэж чадахгүй бол Монгол улсын хуулийн дагуу шүүхээр шийдвэрлүүлнэ.

8. БУСАД ЗҮЙЛ

8.1. Энэхүү Гэрээ нь талуудын эрх бүхий төлөөлөгчид гарын үсэг зурж, тэмдэг дарснаар хүчин төгөлдөр болж, гэрээг хугацаанаас нь өмнө цуцалснаар буюу гэрээний нөхцөл бүрэн биелэгдсэнээр дуусгавар болно.

8.2. Талууд харилцан тохиролцсоны үндсэн дээр гэрээнд нэмэлт өөрчлөлтийг бичгээр оруулж болох бөгөөд эдгээр нь гэрээний салшгүй хэсэг болж хүчин төгөлдөр байна.

8.3. Гэрээнд нэмэлт, өөрчлөлт оруулах санал, гэрээг дуусгавар болгох, хугацаанаас нь өмнө цуцлах тухай мэдэгдэл болон гэрээтэй холбогдон нэг талаас нөгөө талдаа гаргаж буй аливаа санал, мэдэгдэл, хүсэлтийг бичгээр үйлдэж 14-өөс доошгүй хоногийн өмнө нөгөө талдаа Гэрээнд заасан хаягаар баталгаат шуудангаар эсвэл биечлэн хүргүүлснийг хүчинтэйд тооцно.

8.4. Гэрээг хоёр хувь үйлдэж талууд тус бүр нэг хувийг хадгална.

ГЭРЭЭ БАЙГУУЛСАН:

ТЭЭВЭРЛҮҮЛЭГЧ:

.....

РД.....

Хаяг.....

.....

Утас.....

ТЭЭВЭРЛЭГЧ:

.....

РД.....

Хаяг.....

.....

Утас.....